



Inatsisartunut ilaasortaq  
Adam Kristensen, Inuit Ataqatigiit  
/Maani

## **Kangersuatsiami tunitsivik pillugu § 37 naapertorlugu apeqputip nr. 191-2024-p akineqarnera**

Asasara Adam Kristensen

Inatsisartut suleriaasianni § 37-mi imm. 1 naapertorlugu Kangersuatsiami tunitsiveqarneq pillugu Naalakkersuisunut apeqquteqaateqarputit. Apeqqutit uannit akissassanngorlugit innersuunneqarput.

### **1. Kangersuatsiami nutaamik tunitsiviliortoqassappat Nukissiorfiup pisinnaasai naammappat?**

#### **Akissut**

Apeqqutit akineqarnissaanut Nukissiorfiit akissutinik piniarfigineqarput: Kangersuatsiami innaallagissamik pilersuinerup naammassisaqarsinnaassusiata naammanneranik nalilersuinissamat pissutsit arlallit apeqqutaapput. Inissisimaffik aamma tunitsiviup qanoq atuitiginissaanik naatsorsuuteqartoqarnera, assersuutigalugu ukiup qanoq ilinerata akornanni allanngorartuussanersoq imaluunniit ukiup ingerlanerani assigiikannersumik agguarsimassanersoq apeqqutaatinneqassapput.

Aalisakkanik suliffissuaq umiarsualiviup pioreersup qanittuani inissinneqassappat, pilersuinerup attaveqaatit annertunerusumik tallilernagit innaallagissap aqutaata maanna atuuttup suliffissuarmik pilersuisinnaanerata misissornissaa pisariaqarsinnaavoq. Taamatullu misissuineq piffissamik aamma innaallagissamik atuinissamat kissaatigineqartup sukumiisumik misissuiffigineqarnissaanik pisariaqartitsiffiussaaq.

Suliffissuaq nunaqarfiup illuatungaani innaallagissiorfiup eqqaani inissinneqassagaluarpat, innaallagissamat attaveqaatit pisariaqartumik ikinnerusunillu allannguffiginerisigut pilersuinerup annertunerusumik pilersitsinissap ajornannginnerunissaa ilimagineqarsinnaavoq.

### **2. Kangersuatsiami nutaamik tunitsiviliortoqassappat imiliorfiup imeq tunniussinnaasaa naammappa?**

#### **Akissut**

Apeqqutit akineqarnissaanut Nukissiorfiit akissutinik piniarfigineqarput:

Brevdato: 03-09-2024  
Sagsnr.: 2024-1126  
Akt-id: 24510859

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

Innaallagissiornikkut maannakkut naammassisaqarsinnaassuseq nunaqarfiup Kangersuatsiap pisariaqartitaata matussusernissaanut naammappoq, naammassisaqarsinnaassuserli killeqarpoq.

Kangersuatsiami imermik pilersuinermi nunaqarfiup qanittuani imermik tarajuunngitsumik pisuussuteqannginnera unammillernartuuvoq. Taamaattumik imermik tarajulimmik tarajuaanikkut imermik imerneqarsinnaasumik tunisassiorqartarpoq. Taamatullu suliaqarneq nukissamik pisariaqartitsillunilu annertuumik aningaasartuuteqarfiuvoq.

Siunissami aalisakkanik suliffissuaqalerneratigut imermik annertunerusumik pisariaqartitsisoqalissagaluarpat imeqarfiup naammassisaqarsinnaassusiata annertusarneqarnissaa pisariaqassaaq. Tamannalu annertuumik aningaasartuuteqarfiussaaq Nukissiorfiillu tunisassiornermut aningaasartuutaannut pitsaanngitsumik sunniuteqarsinnaalluni.

Inussiarnersumik inuulluaqqusilunga

  
Kalistat Lund

# INUIT ATAQATIGIIT INATSISARTUNI



20.08.2024

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

## Naalakkersuisunut apeqquq:

1. Kangersuatsiami nutaamik tunitsiviliorortoqassappat Nukissiorfiup pisinnaasai naammappat?
2. Kangersuatsiami nutaamik tunitsiviliorortoqassappat imiliorfiup imeq tunniussinnaasaa naammappa?

(Inatsisartunut ilaasortaq Adam Kristensen, Inuit Ataqatigiit)

## Tunngavilersuut:

Naalakkersuisunut apeqquqeqarsimavunga Kangersuatsiami tunitsiveqarniarneq pillugu akissuteqaataani nr. 109-2024-mi allassimavoq. Issuaaneq: *“Tunitsivik tunisinerup nalaani aserfallassimaqaaq ukiunilu arlalinni ingerlassivigineqarsimanani. Kangersuatsiami tunitsiviup 2011-p kingorna atorneqarsimannginna KANUAANA-mit uppersarsarneqarpoq. Ukiut qulingiluat atorneqanngereerluni tunitsiviup pitsanngorsarneqarnissaa Royal Greenland-imit ilimangineqanngilaq. Taamaattumik Royal Greenland isumaqarpoq tunitsiviup nunaqarfimmut sanilliullugu pitsaanngitsumik inissisimanagera aserfallassimanageralu pissutingalugit Kangersuatsiami tunitsiveqarnikkut pitsussit aqqinneqassappata pitsaanerusequmik inissisimasumik nutaamik tunitsiviliorneq aqqutissatuaasoq. Tamatumani saniatigut imeqarniarneq kallerup inneranullu tunngasut pitsanngortinneqarsimanagerut misissungassaasaaq. Tunitsivimmi Royal Greenland-imit kingullermik atorneqarmat imissaaleqineq pissutingalugu imaq atorneqartariaqarsimammatt. Kangersuatsiami tunitsiviup utertillugu pisiarinissaanik nutaamilluunniit tunitsiviliorneqarnissamik Royal Greenland A/S massakkuungallartoq pilersaaruteqanngilaq. Aamma qanorluunniit pisoraraluarpat 2025-imi tunisisoqarsinnaalertoqarnaviannngilaq.”* Issuaaneq naavoq.

Royal Greenland-imit naqissuserneqarpoq Kangersuatsiaq tunitsiveqarnikkut malinnaasineqassappat nutaamik tunitsiviliorneq kisimi periarfissaasoq taannalu atorluarusuppara imminut pilersornerunissaq nunatta pisariaqartippaa taamaammatt nutaalliorluni tunisassiorneq Kangersuatsiaq tamatumunnga atussallugu piukkunnarluinnarpoq inuttai eqiingasut suliqatingalugit.